

Nagrađena web stranica udruženja Zeleni Neretva iz Konjica

25 October 2009

U organizaciji Apriori Communications, agencije iz Hrvatske koja ima predstavništvo u Sarajevu, održano je proglašenje najboljih web strana u Bosni Hercegovini. Organizacija Apriori Communications je već provodila slično biranje najboljeg web-a u Hrvatskoj dok je ovo prvi slučaj da se izabir vrši u cijeloj BiH. U sarajevskom Koloseumu obavljena je i dodjela nagrada za najbolje stranice iz slijedećih oblasti: zdravlje, društvene komunikacije, life style, zeleni web i web event.

Stranica udruženja Zeleni Neretva iz Konjica je prvoplasirana u BiH u oblasti zelenog weba, odnosno u kategoriji sajtova sa ekološkom tematikom. Kriteriji po kojima se vršio odabir od strane komisije su dizajn, sadržaj, funkcionalnost, preglednost i inovativnost. Nakon što je komisija odabrala po tri najbolje stranice iz svake oblasti uslijedilo je glasanje putem sms-a.

Predsjednik udruženja Dino Nikšić navodi da je ovo veliko priznanje za udruženje te da će dati još veću poticaj za budući rad. Također, Nikšić je istakao i zasluge administratora i moderatora stranice koji su ipak najzaslužniji za ovaj uspjeh. Na ovaj način udruženje je pokazalo da je na promijenjen način može vršiti kvalitetna javna komunikacija prema svim akterima društva čak i kad udruženje djeluje u manjim sredinama.

Detaljnije o organizatoru i proglašenju ostalih nagrada se može saznati na slijedećim adresama:

www.apriori.ba

www.pro-pr.com

www.webaward.me